



Sunnmøre Ringmerkingsgruppe
v/Kjell Mork Soot
Hareidsvegen 234
6060 Hareid

Saksbehandlar, innvalstelefon
Ola Betten, 71 25 84 76

Blindheimsvik fuglefredingsområde, Giske - ringmerking

Vi viser til søknad av 06.06.2021 om fangst og ringmerking av skjerpipierke og vadarar. Arbeidet skal utførast av Bernt og Eirik Blindheim, begge autoriserte ringmerkarar.

Verneforskrifta for Blindheimsvik fuglefredingsområde har eit forbod mot unødig forstyrring i pkt. IV, 2.

Vi har difor vurdert søknaden etter naturmangfaldlova § 48 (dispensasjon frå vernevedtak), og prinsippa etter §§ 8-12 i lova:

§ 8 (kunnskapsgrunnlaget)

Vi har god kunnskap om dei aktuelle fugleartene sin bestandssituasjon. Grunnlaget for å kunne gje løyve er at merkinga medfører ei kortvarig forstyrring utanom hekkesesongen. Merkearbeidet vil vere nyttig for forvaltinga av vadefuglartene ved at ein skaffar seg kunnskap om populasjonane og vandrings- og spreingsmønster. Merkinga vil medføre ei kortvarig forstyrring.

Vi kan ut frå føreliggande kunnskapsgrunnlag ikkje sjå at merkinga vil gje fare for skade på rekruttering og produksjon av fugl i området.

§ 9 (føre-var-prinsippet)

Vi ser på kunnskapsgrunnlaget saman med dei sette vilkåra som tilstrekkeleg til å unngå å bruke dette prinsippet.

§ 10 (økosystemtilnærming og samla belastning)

Fleire vadefuglartene har i fleire år hatt små hekkebestander og liten ungeproduksjon, og det er då vesentleg at ein så langt som mogeleg unngår ekstra belastningar som kan gjere situasjonen verre. Dette tiltaket vil etter vår mening ikkje gje nokon vesentleg tilleggsbelastning for vadefuglane.



§ 11 (kostnadene ved miljøforringing skal berast av tiltakshavar)

Vi ser på denne paragrafen som irrelevant i denne saka.

§ 12 (miljøforsvarlege teknikkar og driftsmetodar)

Kortvarig opphald i rasteområda vil være ein driftsmetode som avgrensar mogelege skader og ulemper.

Vedtak:

Fylkesmannen gir i medhald av naturmangfaldlova § 48 Sunnmøre Ringmerkingsgruppe løyve til merking av skjerpipplerke og vadefugl i Blindheimsvik fuglefredingsområde, jf. søknaden:

Vilkår

- Merking skal ikkje skje ved ekstreme vêrforhold (kulde/varme) som er kritisk for fuglane.
- Løyvet gjeld i perioden frå 1. august til og med 1. mai 2021- 2025.
- Resultata skal rapporterast til Ringmerkingssentralen og leggjast inn på artsobservasjoner.no.

Klage

Dette vedtaket kan påklagast til Miljødirektoratet av partane i saka eller andre som har rettsleg klageinteresse, med ein frist på 3 veker. Eventuell klage skal sendast til Statsforvaltaren, som også kan gje nærare opplysningar om klagerett og saksdokumenta.

Med helsing

Bjarne Otnes (e.f.)
fagleiar

Ola Betten
prosjektleiar

Dokumentet er elektronisk godkjent

Kopi til:

Bernt Fredrik Blindheim	Blindheimsgarden 65	6040	VIGRA
Erik Andreas Blindheim	Gatå 41	6040	VIGRA